

八旗通志卷之百五十八



名臣列傳

卷十七  
三江兩世職大臣二

八旗通志初集卷之一百五十七

名臣列傳十七

正紅旗滿洲世職大臣二

布丹

子 弼素理

代松阿

子 阿納海

褚庫巴圖魯

噶達渾

法譚

科魁

祖 吳爾昆

木成額

鄂彙巴圖魯

鄂申巴圖魯

父 巴賚

穆成格

孫 阿思海

胡里布

莫洛



穆舒

董吉納

傑殷

弟傑篤  
叔翰雲

寧古里

父安珠瑚

布丹。滿洲正紅旗人。姓傅察氏。原係烏魯特貝子。天命七年。率所屬來歸。授二等叅將。世職。天聰八年。從大兵征明。攻萬全。左衛。繼褚庫巴圖魯。以第二人登城。克之。

賜馬四匹。騾四頭。牛八頭。緞十五疋。布百疋。加半個前程。九年。隨額爾克楚虎爾貝勒多鐸。往畧明錦州。師旋。有石廷柱固山下一人。被敵所困。往援出之。崇德二年。隨武英郡王阿齊格。征明入邊。破其關外守軍。遂攻邊城。率本甲喇兵先登。至

涿州遇敵兵。步戰却之。大兵出居庸關時。敵兵拒關口阻我師。布丹率兵先衝入。大敗其衆。旋往迎睿親王多爾袞。我兵據守山岡。敵來攻。同希爾根擊敗之。斬首十級。是年以功加半個前程。隨鄭親王濟爾哈朗往略錦州。遇松山兵百人奔錦州。同希爾根囊古季什哈擊走之。三年。任戶部啓心郎。五年三月。從大兵征明圍錦州。敗杏山騎兵。五月。自

盛京奏征虎爾哈捷音。十一月。擢牛录章京。順治

元年。從睿王多爾袞入山海關。率所部偕噶喇昂邦席特庫擊流賊唐通兵。敗之。追至安肅縣。斬殺甚衆。又追至慶都縣。偕噶喇昂邦席特庫誘賊至。大殲之。七年。九年。三遇

恩詔。加世職為一等阿達哈哈番。仕至本旗蒙古固山梅勒章京。任議政大臣。十二年卒。

賜祭葬。謚毅勤子。弼素理襲其父。一等阿達哈哈番。康熙元年。隨征雲南。至緬甸阿娃城。獲偽桂王。効力有功。加一拖沙喇哈番。

代松阿滿洲正紅旗人。姓佟佳氏。世居瓜爾佳地方。天聰八年五月。以辦事有能。不違指使。授牛录章京。世職。九年五月。同薩穆什哈。霸奇蘭。征黑龍江有功。加半個前程。崇德二年九月。自蓋州往旅順口。躡敵踪。獲船二隻。擒把總一員。兵六名。六年四月。監脩。

### 盛京

興京等十一城。累官至戶部侍郎。卒。子阿納海襲牛录章京。兼半個前程。世職。管甲喇章京事。順

治元年。隨定國大將軍豫親王多鐸。往征流寇。由九江富池口。乘船追擊。獲賊一艘。抵九江府。水戰。敗賊。獲二十艘。三年。隨靖遠大將軍肅親王豪格。征四川。賊首何進。寇漢中府。阿納海往守鷄頭關。賊以二千餘來戰。率本固山兵步戰。敗之。賊既遁。肅章京鰲拜。指令追賊。疾追及。敗之。又隨大兵。擊八大王張獻忠兵。同署甲喇章京布喇哈。敗其一隊。賊兵來援。同褚庫巴圖魯。又敗之。師至蘆渚。偽何總兵范總督。率兵二千。



渡江來犯。又擊敗之。六年。隨大兵往征叛鎮姜  
瓌。圍大同。敗賊。二次。賊以馬步軍持梯牌來薄  
我營。隨固山額真噶達渾與賊鏖戰。賊不能勝。  
往侵鑲藍旗正藍旗汛地。追擊却之。七年。九年。  
三遇。

恩詔加至一等阿達哈哈番。十八年。隨征東將軍季什  
哈敗山東賊首喬玉季兵於連山。賊夜劫我營。  
奮力拒敵。身中三十二創。遂歿於陣。加世職為  
三等阿思哈尼哈番。以其弟巴漢襲。巴漢代松

阿次子也。初襲兄三等阿思哈尼哈番。世職。康  
熙五年。隨大兵征貴州。凱還。至江南。值海寇鄭  
成功等陷鎮江。逼江寧。巴漢隨大兵及本地兵  
迎戰。擊敗之。又破偽總兵蔣雄等七千餘賊於  
樹梓區。破偽將軍吳士琮馬步賊二千於新村  
之西山。康熙十九年。從征吳逆。擊偽將軍何繼  
祖等於石門坎。黃草壩。並有功。隨三路大兵至  
雲南城下。大敗賊兵。又隨都統希福。追偽將軍  
馬寶。巴養元等於烏木山。二十五年。叙功。加世

職為一等阿思哈尼哈番。

褚庫巴圖魯滿洲正紅旗人。姓薩爾圖氏。世居葉赫地方。天聰五年。從征大凌河。擒蒙古將徹機格。八年八月。攻萬全左衛。首先登城。

賜號巴圖魯。及牛馬綴疋等物。十月。授牛录章京。世職。崇德三年五月。任吏部理事官。順治元年。隨定國大將軍豫親王多鐸。征流寇。兩敗其衆。三年。隨靖遠大將軍肅親王豪格。征四川。敗張獻忠兵。二次。又同尚書星內。敗賊高介兵。六年。隨大

兵征叛鎮姜瓖。攻大同。賊衆來侵本旗汛地。擊却之。遂往侵土默特汛地。追擊敗之。又往侵鑲藍旗汛地。偕擺牙喇甲喇章京胡葉往援。復敗之三遇。

恩詔加世職至二等阿達哈哈番。九年二月。隨固山額真噶達渾。征鄂爾多斯。率本旗兵攻多爾吉營。步戰破之。斬殺甚衆。圖沙克巴營降之。十一年十二月。隨定遠大將軍世子濟度。往征福建。十二年。師次高齊地方。賊自烏龍江引舟師二百

餘隻列陣拒敵。率本翼兵兩戰俱却之。追至大江口。大殲之。獲船十三隻。康熙二年七月。任本旗蒙古副都統。三年叙功。加世職為一等阿達哈哈番。十四年卒。

賜祭葬。謚褒壯。

噶達渾。滿洲正紅旗人。姓納蘭氏。世居哈達地方。初任擺牙喇甲喇章京。天聰八年七月。隨大兵征明。至山西。攻應州城有功。

賜人口牛馬等物。復從征多羅忒固魯台吉。引二百人

竄入山谷。追之。斬其一人。崇德五年。隨大兵畧中後所。偕燾章京敦拜。擊敗敵衆。斬首八級。是年從大兵征明。圍錦州。擊杏山。騎兵率所部敗之。偕薄波爾代。潛伏松山。遇敵。殺十四人。敵復據山嶺來犯。敗其一隊。復偕碩翁科洛巴圖魯。勞薩。掩殺之。直抵北崗。七年。隨豫親王多鐸。征寧遠。有敵兵來尾我後。先衆逆擊。敗之。師旋。有達哈塔傷仆。援而出之。順治元年。從睿王多爾袞。入山海關。破流賊有功。二年。閏六月。隨英親



王阿濟格追流賊至九公山。敗敵三次。授牛录章京。世職。是年冬。隨定西大將軍何洛會。征四川。時賊渠胡敬德於三水縣立營。偕副都統和托。擊敗之。又敗高世藩兵三千。偕燾章京哈寧阿。攻克三寨山。復由山谷步擊。敗賊三次。賊率馬步兵下山來犯。連敗之。賊犯正藍旗汛地。偕燾章京阿爾津蘇拜往援。却之。又敗賊鍾總兵于曾蓋地方。四年四月。任戶部侍郎。五年三月。調吏部侍郎。六月。叙功。擢三等阿達哈哈番。

世職十二月奉

命偕梅勒章京阿喇善率八旗官兵赴英親王軍前。協攻大同叛鎮姜瓖。凡敗賊七次。賊自代州北關衝突遁走。追斬無算。同蘇拜取代州關廂。又同都統阿喇善希爾根等取渾源州。六年七月。擢本旗蒙古固山額真。仍管侍郎事。七年。遇

恩詔。加世職為一等阿達哈哈番。八年。奉

命統官兵往征鄂爾多斯部落。九年二月。奏勦叛逆鄂爾多斯部落多爾濟等於賀蘭山等處。盡殲之。

俘獲人四百。牛馬駝三萬二千九百有奇。是年再遇。

恩詔加世職至三等阿思哈尼哈番。十一年三月以勦多爾濟功加二等阿思哈尼哈番。累官至兵部尚書固山額真。十三年卒。年四十九。

賜祭葬。贈太子太保。謚敏壯。

法譚滿洲正紅旗人。姓塔塔爾氏。世居長白山瓦爾喀地方。初以撥什庫從達爾漢轄。敗明師於遼東北崗。射殺六人手刃二人。唇被傷。論功。

賜馬二匹。從征葉赫。攻城足被箭創。遷壯火。未幾授牛

录章京。天聰三年從征明。取旅順口。沙嶺並有功。崇德三年隨貝勒岳託征明。至山東攻郟城。縣克之。授牛录章京。世職任工部理事官。六年隨大兵圍錦州。敵自城中以勁兵來犯。偕葉克舒三戰三敗之。明經畧洪承疇統衆十三萬來援。隨大兵擊破之。八年隨鄭親王濟爾哈朗征明。取前屯衛。中後所。順治元年隨豫親王多鐸破流賊入潼關。馬中矢仆。遂徒步率所部大戰。

破之。以功加半個前程。三年隨貝勒克德渾往湖廣勦流賊一隻虎。四年考滿稱職。擢三等甲喇章京。五年任提督九門步軍統領。三遇恩詔。加世職為一等阿達哈哈番。兼一拖沙喇哈番。康熙元年。年六十四。以病致仕。五年卒。

恩賜祭葬。

科魁。滿洲正紅旗人。其祖吳爾昆。以備禦從太祖高皇帝克遼東有功。授遊擊。世職。後以駐防海州稱職。加授二等叅將。天聰三年。攻薊州。被創卒。

科魁。襲祖職。順治元年。任兵部理事官。五年。緣罪降。世職為拜他喇布勒哈番。七年。遇

恩詔。加一拖沙喇哈番。是年。管甲喇章京事。九年。遇

恩詔。加至三等阿達哈哈番。復緣罪降。為拜他喇布勒

哈番。兼一拖沙喇哈番。是年。復征湖廣。有偽總

督一員。總兵十員。率衆來犯。率本甲喇兵。隨大

兵。敗其衆一萬二千餘。師抵永安關。復敗賊三

千。十一年。隨寧海大將軍宜爾德。往征浙江舟

山。敗偽總制陳六御等。十四年。議叙舟山功。加



世職為二等阿達哈哈番。旋陞梅勒章京。累仕至杭州將軍。十六年。緣罪革本身軍功。所得世職。以其祖吳爾昆之拜他喇布勒哈番。與弟尼馬喇襲。

木成額。滿洲正紅旗人。姓鄂約氏。世居葉赫地方。崇德三年。隨揚威大將軍貝勒岳託。征明。攻行唐縣。不藉雲梯。先登。拔其城。四年。授半個前程。世職。順治元年。隨大兵入山海關。偕甲喇章京科魁。敗流賊有功。二年。隨定國大將軍豫親

王多鐸。南征。擊偽總兵姚子搦于餘杭縣。敗其衆萬餘。六年。隨大兵征大同。叛鎮姜瓖。賊犯正旗汛地。奮力拒敵。不失所守。七年。擒斬逆渠翟懸。劉定宇等。復永寧州寧鄉縣二城。七年。九年。三遇。

恩詔。加世職至三等阿達哈哈番。十一年。隨靖南將軍朱瑪喇。征廣東。屢立戰功。十三年。議叙。加為一等阿達哈哈番。官至副都統。

鄂鼎巴圖魯。滿洲正紅旗人。天聰五年。以郭什



喀擺牙喇為哨探時有報蒙古二人踰邊遁者。遂由海州河口。追至遼河射殺之。

賜布八疋。旋從前鋒叅領鄂莫克圖。伏廣寧紅廟。見賊。瞭哨人於曠野放火。遂走擒之。

賜撒袋衣服等物。隨牛录章京譚台柱。章京溫柴。征廣寧。擒松山坐台敵兵有功。又隨豫親王多鐸。擊錦州兵。射死一人。崇德七年。攻錦州時。伏高橋。會明經畧洪承疇兵。自杏山往詣塔山。奮勇接戰。射死五人。再戰復射死五人。

賜馬二匹。八年。從奉命大將軍饒餘貝勒阿巴泰。征明。攻河間府城。先登拔之。

賜巴圖魯號。授牛录章京。兼半個前程世職。順治元年。從定國大將軍豫親王多鐸南征。破流賊。入潼關。率本甲喇兵。劫流賊營。兩敗之。二年。至江南。蘇州府。率四旗兵。擊賊吳士魁。又擊賊姜祿雷。並敗之。七年。從征甘州叛徇。隨川陝總督孟喬芳。抵蘭州。賊以三萬餘衆。來奪黃河渡口。率本旗兵步戰。敗之。進攻甘州城。所部士先登克之。

叙功。加授三等阿達哈哈番。世職。七年九年三遇。

恩詔。加至一等阿達哈哈番。又一拖沙喇哈番。康熙三年十月。陞西安副都統。

鄂申巴圖魯。滿洲正紅旗人。姓鈕祜魯氏。世居英額地方。其父巴賚。

國初。偕堂兄郭爾濟。率族屬鄉人等歸。

太祖高皇帝。以巴賚為親衛。仍於舊居之委和發三烏蘭山親地方居住。會有王家村人構兵。

太祖命巴賚率族衆攻村南面。

太祖親攻北面。平之。招安村長準塔郭和以歸。壬子歲。

有葉赫烏喇哈達蒙古等九國犯境。巴賚隨大兵當先奮戰。敗敵有功。天命三年戊午。築城於寨。樊撒爾湖為界。設兵防守。以巴賚為長。駐扎之。四年己未。明總兵官劉挺等率兵由馬家寨等口。四出犯我疆圉。巴賚奮命爭先。殲厥三路。大敗明兵。五年庚申。由

興京遷都。撒爾湖築城。扎客丹為界。復

命巴賚為長駐扎之。六年辛酉。攻取北平。巴賚先登拔其城。及攻取遼陽等處。巴賚力戰。得傷甚多。一時

恩賚獨厚。又統兵駐守英額城。煮鹽於虎爾哈。輸儲於廣寧衛。屯田七載餘。又率兵攻取瓦爾喀。虜獲甚衆。

賞賜優渥。八年癸亥。

特賜民人百口。天聰六年壬子。以年老致仕。崇德八年卒。年七十八。子鄂申。巴圖魯。崇德五年。從大兵

征明圍錦州。克松山。七年。隨奉命大將軍饒餘貝勒阿巴泰。征明。至山東。拔臨清州。順治元年。四月。隨睿王多爾袞。入山海關。破流賊。復追至保定。大殲之。六月。隨固山額真葉臣。徇下直隸諸郡。進征山西。並在事有功。又隨靖遠大將軍英親王阿濟格。進勦陝西流寇。三年。隨征南大將軍貝勒博洛。定浙閩。四年。隨將軍哈哈木。勦陝西延安。分擊賊帥王雲祥於白水縣。時縣已屬賊。遂發火礮攻城。鄂申先登克之。又攻拔蒲



城仍先登。斬殺甚衆。九年。以功授拜他喇布勒哈番。

賜巴圖魯號。十年。隨靖南將軍哈哈木。往征廣東。破潮州。十一年。隨寧海大將軍宜爾德。征舟山。累敗偽總制陳六御等。十四年十一月。叙功。加一拖沙喇哈番。康熙元年。任杭州協領。八年。擢鎮江副都統。十三年。從征逆藩耿精忠。至浙江。偽總兵閔標。率賊萬餘。破温州處州。六月。直犯金華。鄂申親率官兵連戰大敗之。殺賊七千餘。斬偽

官百員。生擒閔標等。偽官百七十二員。斬之。又耿逆兵勾連土寇。由温州進逼金華。偕副將陳世凱。領滿漢官兵擊殺逆賊七千餘。追奔二十餘里。獲器械旗幟無算。十五年八月。耿逆遣偽騎都尉連登雲等。重兵盤踞浦城縣石塘地方。以阻我師。鄂申偕總兵官陳世凱。溫處道姚啟聖等。領滿漢官兵分路進剿。自寅至亥。連破九營。殺賊甚衆。直抵石塘賊寨。焚燬木城。獲偽關防馬匹銃礮無算。是月乘勝發兵。進取雲和縣。



十六年十月。偕副都統伯穆赫林。敗賊於石井清寺等處。十八年十月。率官兵進抵東石地方。擊敗賊衆。殺逆賊偽叅將林英。擒偽總兵陳深等。斬賊兵一百六十三名。十九年。奉命大將軍和碩康親王傑書。以海中大定小定地方逼近廈門金門。係我師必由之道。逆賊鄭錦遣偽將軍張志屯糧。欲聚此地。以拒我師。因遣鄂申率滿洲及綠旗官兵。齊進至大定地方。奮勇勦殺。賊不能支。俱逃往小定。我兵尾追賊衆。不得船

者。俱溺河死。遂焚燬賊巢。遷回百姓。恢復大定小定地方。十九年十月。偕副都統紀爾塔布。率千人守漳州。二十一年。部議以鄂申在江山縣不能擊賊。致陷在台州。不奪小梁山。在海州。不能克祖山頭三事。將功績抵銷。猶奪其職。三十二年卒。年七十。鄂申巴圖魯。於

太宗文皇帝時。効力行間。至康熙二十一年。凡經九十餘戰。身被重創二十餘處。出身行伍。官至副都統。晚以軍機罷職。然人念其前功。咸稱為勇將。

云。

穆成格。滿洲正紅旗人。順治十一年。任噶布什  
賢章京。隨寧海大將軍宜爾德。征浙江舟山。敗  
偽英毅伯阮思。偽總制陳六御等。十四年。隨定  
遠大將軍世子濟度。征福建海寇。聞泉州府大  
營地方有賊千餘。偕夸蘭大馬喇。率官兵前往  
擊敗之。斬賊首七百餘級。又屢敗偽提督黃常  
等。於新湖磯。福前所。白沙河。是年。議叙。授拖沙  
喇哈番世職。康熙十三年。從征逆藩吳三桂。至

江西。十一月。偽總兵黃乃忠。領兵數萬。自萍鄉  
來犯袁州。穆成格偕副都統甘度海。公倭赫。敗  
之於西村。斬首萬餘。又登山擊敗賊衆。斬首五  
千餘級。十二月。吳逆偽總兵張泰。據守安福縣。  
穆成格偕叅將色勒等進剿。殺賊五千餘。恢復  
安福縣。十四年七月。隨定南將軍內大臣希爾  
根。招撫江西秦和。龍泉。永新。廬陵等縣。并湖廣  
茶陵。永寧等州縣。偽官二百七十餘員。及家口  
兵丁六萬五千六百餘名。十月。奉

命叅贊鎮南將軍舒恕事十五年。以功授拜他喇布勒哈番。十六年。偕鎮南將軍莽依圖進勦廣東。仍叅贊軍務。二十三年。任本旗蒙古副都統。二十八年。以老病致仕。四十三年卒。

予祭葬如例。以其孫阿思海襲職。雍正七年。阿思海以前鋒侍衛從征準噶爾。於九年六月。在和通胡爾哈諾爾地方。力戰陣亡。卹贈一拖沙喇哈番。胡里布。滿洲正紅旗人。姓何舍里氏。世居葉赫地方。父曰吳巴海。

太祖高皇帝收服葉赫國。以其人編設牛錄。使吳巴海管其一。吳巴海卒。胡里布襲管牛錄。額真事。天聰五年。擢一等轄。尋任噶布什賢章京。崇德三年。從揚威大將軍貝勒岳託。征明。拆毀牆子嶺邊口。四路進兵。胡里布偕魯克都。夾攻明兵。獲馬一百匹。馳二十隻。六年。隨大兵征明。圍錦州。偕勞薩碩翁科洛巴圖魯。敗敵二次。又率所部踰松山濠。擊敵。敗之。又偕西特庫布爾遜。敗杏山敵兵。明經畧洪承疇。統兵來援。胡里布隨諸



王進戰大破之。松山敵兵乘夜來犯，復擊却之。旋隨武英郡王阿濟格駐兵杏山，敵人自寧遠來犯，胡里布偕燾章京努山，敗其騎兵千餘。敵兵由沙河奔寧遠，復擊敗之。尋授梅勒章京。八年，偕噶喇昂邦、努山等往界陵口，探我大兵消息，並令捉生。五月，抵界陵口，斬其守備一員，兵三百餘，生擒千總一員，把總三員。是年隨大兵征明至山東，偕希爾根率噶布什賢兵敗明栢總兵於薊州。順治二年，隨平南大將軍貝勒勒克德渾征湖廣，追流賊至承天府等處，屢敗其衆，生擒二十人，斬首二百餘級。又偕噶喇昂邦、西特庫圖承天府，獲船八艘。三年，叙功，授半個前程。世職。七年、九年，三遇。

恩詔陞為三等阿達哈哈番。十三年，擢噶布什賢、噶喇昂邦。康熙十二年五月。

聖祖仁皇帝念胡里布自

太宗文皇帝以來，効力年久，克著勞績，宜加寵錫，以示眷懷。加太子少師。是年，大兵由陝西進征逆藩。



吳三桂。十二月。

命胡里布以護軍統領充副將軍。偕安西將軍赫業率師由漢中入蜀。十三年正月偕赫業進勦四川。屢立戰功。十六年歿於軍。

莫洛。滿洲正紅旗人。姓阿燕覺羅氏。世居長白山。湖訥河地方。順治初任刑部理事官。康熙六年擢都察院左副都御史。七年擢山西陝西總督。八年二月疏請免平涼臨洮鞏昌三府所屬各州縣積欠錢糧七萬八千三百餘兩。糧一十六萬三千餘石。

聖祖仁皇帝從之。五月疏稱西安鳳翔漢中延安四府興安一州有新荒民屯廢藩地畝及從前捏報民丁所徵銀三萬七千三百九十餘兩糧一千二百八十餘石俱係現在人民包賠苦累請賜豁免。

聖祖復如所請。九月吏部等衙門覆奏鰲拜案內牽連各督撫功過分別具題奉

旨草莫洛職十一月甘肅巡撫劉斗提督張勇陝西提

督柏永馥會疏保留言西安百姓趙璉等具民  
本求轉奏言莫洛居官清正萬民愛戴乞留原  
任以慰輿情得

旨莫洛已經甄別處分本當不復任用據劉斗等合詞  
奏稱莫洛有益地方兵民數千哀求代懇留任又據  
百姓趙璉等奏稱莫洛實心實政老稚感悅保奏留  
任朕思簡用督撫原欲綏輯地方愛養百姓今莫洛  
既為地方愛戴特順輿情免其處分著復原官九年  
十二月陞刑部尚書十年八月疏言刑部漢軍

郎中員外郎缺出應照滿官例聽刑部堂官揀  
選咨送題補

聖祖從之十二年冬逆藩吳三桂反十三年正月大兵  
由陝西進征三月

聖祖特諭吏兵二部陝西邊陲要地西控番回南通巴  
蜀幅員遼濶素號巖疆茲逆賊吳三桂煽惑滇黔四  
川從逆秦省地處鄰封恐有奸徒搖惑人心不寧雖  
有督撫提鎮等官各盡乃職但軍務繁重必須特遣  
大臣假以便宜相機行事方可綏靖中外固保邊疆

刑部尚書莫洛。前任秦督。深得軍民之心。諳曉地方情形。茲特授為經畧。率領滿兵。駐劄西安。與將軍總督會同酌行。巡撫提鎮以下。悉聽節制。兵馬糧餉。悉聽調發。一切應行事宜。不從中制。文武各官。聽其選用。吏兵二部。不得掣肘。鄰省用兵。當應援者。酌量策應。如有軍機。將軍總督領兵以行。俟湖廣四川地方底定。即命還朝。應兼職銜。及應給勅印。爾二部會同具奏。尋

允部議。加莫洛為武英殿大學士。仍以刑部尚書管兵部尚書事。兼都察院右副都御史。

賜之勅印。經略陝西。五月。

聖祖特諭莫洛。朕聞鄭蛟麟來降。又聞克復朝天關。喜慰殊甚。此皆諸將軍謀略。頃者賊衆擁聚岳州。雲雨連綿。大兵不宜直前。俟雨霽風順。即水陸並進。吳三桂果在澧州。乘虛徑襲其後。乃今日至要之機。如克復四川。可疾由交水。以取貴州。或徑取雲南。其可否機宜。與諸將酌議。密奏。六月。

命陝西道府以下官員。聽經略莫洛題補。先是



命莫洛遣副都統科爾坤進四川。馬一寶赴漢中。將軍席卜臣提督王輔臣俱赴荊州。至是莫洛疏言。科爾坤官兵已遣赴廣元。周有德軍前。馬一寶官兵已遣赴漢中。副都統吳國正軍前。席卜臣則令率每佐領護軍一名。往漢中。總統馬一寶。吳國正等之兵。以副都統巴喀率每佐領驍騎一名。同提督王輔臣往荊州尋奉

諭旨。貝勒貝子等既率八旗及蒙古兵赴楚。王輔臣兵不必發荊州。或令王輔臣從將軍赫業等進取保寧。

或仍駐平涼。聽莫洛調遣。巴喀即率兵赴順承郡。王軍前。尋莫洛又疏言。逆賊固守保寧。且廣元所屬百丈關諸處。賊衆盤踞。恐科爾坤兵力單薄。隨令副都統吳國正俟馬一寶兵至。即率官兵前赴廣元。七月。疏言。大兵在保寧。與賊相持。恐運餽日久。秦民必致疾苦。臣今親赴漢中。酌量分路進發。貝勒董額等若率衆盡行。慮致遲滯。請勅貝勒董額以所領驍騎併入康親王軍內。自率所部輕騎赴西安。旋進四川。得



旨董額部下兵無多。所將驍騎。既入康親王軍內。輕騎入川。兵力單薄。可令貝子公等。亦各率所部輕騎並力前進。先是莫洛以秦省兵單。請添設綠旗兵以資戰守。八月奉

聖祖諭。增兵必須增餉。國家錢糧止有此數。茲大兵進。勦浙江江西湖廣。需餉浩繁。爾經畧所知。前因餽運不給。致王懷忠等兵逃散。秦民供億入川。兵餉已極勞苦。若增兵萬餘。貝勒經畧又統諸軍深入。萬一糗糧難繼。恐禁旅有匱乏之虞。而綠旗兵復蹈前轍矣。

經畧身在地方。洞悉情形。或不煩增兵。即親行入川。或必須議增。方可進發。或以秦省重要。不必親行。遙措兵餉。其逐一詳議以聞。至是莫洛疏言。陝西舊兵內。王懷忠所率四千悉已逃散。今王輔臣又率二千以行。除此六千。照額招補外。所增無多。蓋增則戰守調遣。均有裨益。陝西得以保固。故臣以為增之便。若四川速定。則錢糧有資。而秦民又得息肩。臣仍宜親統官兵。協力進勦。平定西川。疏入。

詔從所請。九月疏言。臣於本月十一日由秦進川。貝勒等到西安時。養馬繼發。請

命四川總督周有德。巡撫張德地。副都統科爾坤等。同守朝天關。廣元諸處。轉運大兵糧糗。並

勅將軍等。拒守保寧。以待大兵之至。

聖祖諭云。莫洛身在地方。軍機緩急。自有確見。可與將軍席卜臣。前往廣元。進取昭化。疏通糧運。平定四川。總督周有德。巡撫張德地。副都統科爾坤等。於經畧未到之先。將廣元所有糧米。運送軍前。又廣元兵少。

甚屬可虞。或令席卜臣兵先赴廣元。秣馬以待。或候經畧同發。俱令莫洛酌行。十月

聖祖手勅諭莫洛曰。據坐塘筆帖式報。有賊三路來犯。寧羌被圍。念爾總統川陝。必有成算。始行進兵。朕可無憂。但寧羌地屬陝西。且為大兵後路。當此糧匱兵疲。又不得不廛朕懷。爾宜速行救援。使大兵如渴遇飲。庶幾有濟。十一月疏言。廣元大兵缺餉兩月。畧陽糧艘為賊所劫。賊又屯聚七盤朝天諸關。我師餉道梗塞。得

旨。莫洛率兵速赴七盤朝天等處。會同將軍席卜臣。勦滅賊寇。疏通餉道。進取昭化。與大兵協力克復保寧。尋總督石哈疏言。蜀中水陸賊阻。糧運難繼。且逆賊窺伺陽平等處。尋奉

旨。大兵徂征。惟餉是賴。今既餉運難繼。我師未便久駐。令大將軍貝勒董額。經畧莫洛。四川總督周有德。巡撫張德地等。撤保寧兵回廣元。經畧親身殿後。調廣元兵回漢中。固守陽平等處。殲除寧羌諸賊。整頓士馬。再圖恢復。十二月。莫洛駐兵寧羌州南教場。初四

日。提督王輔臣標兵猝叛。來攻莫洛營。莫洛親隨滿兵併力射却之。既而輔臣身自督戰。衆遂復攻。礮矢齊發。莫洛中鳥鎗死。所部章京筆帖式等死者甚衆。二十二年。

予祭葬。謚忠愍。贈拜他喇布勒哈番。又一拖沙喇哈番。以其子常喀襲職。

穆舒。滿洲正紅旗人。姓鄂卓氏。世居葉赫地方。康熙十六年。以旗員隨大兵進勦逆藩吳三桂。至四川保寧。有賊兵來犯我營。穆舒誓死決戰。



將甲上記號付與將軍。遂率官兵進戰。擊敗逆寇。

聖祖仁皇帝聞之。深嘉其勇。從優陞本旗蒙古副都統。十七年。隨大兵由湖廣進征吳逆。偽將軍杜輝。巴養元。江義等。率舟師二萬餘。陣於洞庭湖柳林嘴。穆舒同討。逆將軍鄂內。擊敗之。賊復來戰。復敗其兵萬餘。旋與賊戰於湘陰縣之九馬嘴地方。陣亡。贈拜他喇布勒哈番。以其子穆善襲職。

傑殷。滿洲正紅旗人。初任一等轄。尋管擺牙喇甲喇章京事。康熙八年。擢本旗滿洲副都統。十一年。擢本旗護軍統領。十四年四月。察哈爾侵掠鄂西奚地方。奉

聖祖仁皇帝命。偕安北將軍內大臣舅舅佟國綱。率兵往鎮宣府。五月。察哈爾歸順。偕平逆將軍畢力克圖。引兵赴榆林。平定延安諸處。同叅贊軍務。六月初三日。師抵謝村。分兵三隊。傑殷乘夜先發。黎明軍於河上。賊三千餘。拒守楊家店渡口。

遂引兵鳴角盡渡。賊披靡遁去。翌日克吳保縣。遂趨綏德。初八日遇賊於虎爾崕山口。復擊敗之。賊帥朱龍遁走定邊。餘賊出降。綏德平。七月偕畢力克圖進取延安。分隊前進。敗偽彭總兵李叅將兵萬餘。於寶鷄縣仰天池。又敗偽總兵李士英於宜川之九龍山。破其三營。賊聞風潰敗。掩殺無算。恢復延安。又擊賊於羅家鋪。岐山。紅山嘴等處。累戰有功。偽將軍王屏藩引賊三千自禮縣來犯。敗之於西和縣之北山。至牡丹

園三十里堡。遇賊二千餘。連戰並敗之。十五年四月。賊衆萬餘直犯通渭縣。城守官兵以兵單逃避山寨。傑殷與靖逆將軍張勇聞警。即由伏羌進發。與撫標遊擊岳鎮邦等合兵援勦。行至十八盤坡。遇賊全隊。遂分兵為兩翼。衝鋒直前。大破之。乘勝奪門。復通渭縣城。賊四散奔逸。追斬七百餘級。獲駝馬器械無算。十七年二月。偕揚威將軍阿密達率兵進取漢中興安。擊偽彭總兵陳總兵於風高嶺。敗其衆三千餘。二十五

年。議叙前功。授拜他喇布勒哈番世職。二十六年卒。

予祭葬如例。弟傑篤。順治十六年。以擺牙喇甲喇章京。隨安南將軍達素。征福建海寇。攻廈門。破賊舟。師六百餘隻。於澄浦嶼地方。康熙十三年。隨前鋒統領穆占。征逆藩吳三桂。由陝西進四川。擊偽總兵石存禮等。於朝天關。又於蟠龍山。破偽將軍王屏藩。鄭蛟麟。吳之茂等。師進娘娘廟。傑篤以殿後拒敵。歿於陣。卹贈拜他喇布勒哈番。

又一拖沙喇哈番。族叔父翰雲。

國初來歸。授二等叅將。忝職管半個牛录事。崇德五年。從大兵征明。圍錦州。有松山敵兵來奪我紅衣礮。翰雲偕梅勒章京碩占。擊退之。又偕固山額真葉克舒。敗明經畧洪承疇援兵二次。順治元年。從睿王多爾袞。入山海關。偕固山額真杜雷。破流寇。追至慶都縣。大殲之。叙功。加世職。為一等甲喇章京。

董吉納。滿洲正紅旗人。姓鈕呼魯氏。世居烏喇。



地方。康熙十九年。以護軍校委署護軍叅領。隨征南大將軍賴塔。征逆孽吳世璠。敗賊偽將何繼祖。王弘勳等。於石門坎黃草壩。直抵雲南省城。有偽將軍胡國秉。劉起隆等。率賊衆萬餘。排列挨牌鎗礮拒敵。董吉納率本甲喇兵擊敗之。二十五年議叙。授為拜他喇布勒哈番。五十九年。由杭州協領。部委夸蘭大。隨定西將軍噶爾弼。取招安藏有功。又加一拖沙喇哈番。累陞至江寧將軍。雍正四年。調鑲藍旗滿洲副都統。五年。

正月。緣事草職。

寧古里。滿洲正紅旗人。父安珠瑚。順治十一年。以壯大從征偽安西王李定國至廣東。破賊有功。授拖沙喇哈番世職。卒。子寧古理襲。康熙二十年。寧古理從征逆孽吳世璠。由廣西進雲南。在石門坎黃草壩。敗賊二次。叙功。加一拖沙喇哈番。合原襲職為拜他喇布勒哈番。三十六年。復從征厄魯特噶爾丹時。由西路進兵有功。事平議叙。再加一拖沙喇哈番。五十年。由護軍叅

領陞授荊州副都統。五十五年。率荊州兵。由松  
潘進兵。平定西藏。雍正二年。緣事革職。



